

Le riflessioni de Luisa

Luisa la se sveiava come al solito de matina presto, per le sie, la sbizigava un poco per el telefono: Snapchat, Tik Tok, fina rivar a Instagram.

La ga trovado un post de Meghan, una mula che la conoseva e che ogni tanto le andava anca fora insieme.

In te 'l post scriveva brute robe de Luisa e de come la sguardava, dei suoi modi de far, sula sua cultura e la sua religion (Islam).

Meghan la iera bastanza popolare perché la ga una bela casa, vestiti de marca, la vien de New York e robe del genere... quindi tuti i la sosteneva in quel che la ga scritto, alcuni dei sui "followers" i ghe ga persin augurado la morte a Luisa.

Ela no la podeva creder, la pensava che Meghan iera una sua amica.

No la ghe voleva dir a nisun che la bulizava virtualmente e allora la ze corsa in una botega dove se vendi stucco e pitture e la se ga compra tute le robe che ghe podaria coverzer i brufoli, far una pele più bela e far le sopraciglia più lunghe. La se ga anca meso via el burqua (che saria quella bandana che de solito se meti le done in Afghanistan o in Pakistan - e ela la vegniva de quele parti là) e la ze andada contro la sua religion e la sua cultura.

Quando la ze rivada casa, la se ga subito fato la foto con i sui novi acesori e la ga meso la foto online.

Za de giorni la iera serada in camera sua, sdraiada sul leto a guardar verso el plafon. Deso la jera perfeta, la gaveva i truchi perfeti, i ategiamenti perfeti e le amiche perfete.

Dopo la foto che la ga publicado, Meghan la ze restada senza parole, la gaveva 1M de like.

Tuto el grupo de le popolari (inclusa la Meghan) le voleva eser sue amiche.

Luisa la jera finalmente contenta anche se la perseguitava un poco el fato de no gaverge dito niente ai suoi genitori. Lori no i la ga scoperta perché casa la portava el burqua con soto el truco e quando lori i andava via de casa, la se meteva via el burqua e la andava scola.

Dopo qualche giorno la ga deciso de dirghe tuto a sua mama. Quando la ghe ga confesado tuto, la pensava che sua mama la se rabiara e la ze corsa in camera per evitar de sentirse mal quando sua mama la ghe dizi de tuto e de più.

Sua mama la se ga stupì, perché no la ge podeva zigar se la gavevasolo sofrì sta sua fija.

Allora, dopo pochi minuti, la ze andada in camera e la ghe ga spiegà un poche de robe.

Le persone che cerca la perfezion, che i pasara tuta la vita a cercar la perfezion, infine i trovara una vita sprecada.

Che ogni persona ze perfeta, semplicemente bisogna capir de che punto de vista i vedi lori la perfezion.

Che no bisogna mai dubitar in noi stesi, mai pensar che quel che pensa i altri ze più giusto che quel che pensemo noi.

Che se una persona ze un fior, no bisogna eser i petali; se la ze un quadro, no bisogna eser la cornize perché dopo i petali i casca e la cornize se cambia.

Suo papà Abdul, che al scoltava tuto el tempo el discorso, ze vegnudo de Luisa e el ghe ga dado el burqua.

La se la ga mesa e la li ga abbraciadi.

No la ga mai più frequentado Meghan e no la ze mai più tornada a la vita "falsa" de prima.

I "social networks" rovina l'autostima a noi creature. Luisa la ga capì che no meter el burqua saria un sbaglio sai grande come per noi istriani no parlar el nostro caro dialeto.